

十二緣行善男子是故我今作此說故一切

諸法亦復如是復次善男子一切諸法本無

生滅是時妙吉祥童子白普賢菩薩摩訶薩

作如是言佛子此寶光總持法門菩薩云何

受持普賢菩薩摩訶薩告妙吉祥如是說言

善男子此寶光總持如法而說如理受持何

故本性不生不滅故非相非空故無性即自性故自性即無性故善男子此寶光總持如是不應執著受持觀察故智慧決了應如是住分別解說善男子此寶光總持觀法自性義故

大方廣總持寶光明經卷第二

相二

晃曜上胡廣也珍玩下恩反秤尺證宣闡昌演俱胝下珍遲也庾多上於主反那亦也顛嚙駄上乃頂反俱緒知反判妣嫁下竹千億數也
祢上乃禮反鍛捺囉上蒲末反中奴達反脣上息反
腦委反

大方廣總持寶光明經卷第三

相三

欒昂慶摩羅彌陀寺藏賜紫傳教師法奉詔譯

是時尊者舍利弗白妙吉祥童子言善男子如此妙法住世幾何妙吉祥言舍利弗如此三毒貪瞋癡故舍利弗言善男子此貪瞋癡住當幾何妙吉祥言舍利弗此三毒住由如

地界故舍利弗言善男子此地界復住幾何妙吉祥言舍利弗此三毒地界如無明界故舍利弗言善男子此無明三毒住當幾何妙吉祥言舍利弗如虛空界故舍利弗言善男子此三毒虛空界住當幾何妙吉祥言舍利弗如無性自性法故是時尊者舍利弗白妙

吉祥作如是言善男子汝等智辯若此云何我有如是智力與汝訶對復次善男子譬如一切貓狸踐須彌山終不能盡如是如是善男子我等亦復如是如彼貓狸何以故如一切聲聞與一菩薩共同論議畢竟不能屈彼菩薩況復此妙吉祥童子故是時普賢菩薩

摩訶薩告妙吉祥童子言善男子汝於今者請問如來白言世尊於當來世後五百歲彼寶光總持法王云何護持持經法師云何憐愍令得堅固于時妙吉祥童子從自法座安詳而起即白佛言世尊若有法師受持讀誦爲他解說此正法者得何功德佛言妙吉祥若有比丘持此法王者當得生於清淨法身故當得究竟佛菩提故如是中間常得住於諸佛法中心不退轉一切天魔及諸眷屬不能燒惱若有善男子於彼法師暫起愁心一彈指頃是人即得遠離輪迴究竟亦得佛菩提故復次妙吉祥持此寶光法王者若起輕慢誣謗之心是人世世得牙齒疎缺平鼻無舌手腳攀躋身常重病癱瘓盲聾生於下賤懈怠懶惰佛告妙吉祥如是愚迷衆生我今略說善男子彼諸衆生命終之後受無數地獄如一一孔毛種種苦惱從地獄出若生人中常得生盲瘡瘻復次妙吉祥若有見此正

法衆經之王輕毀之者是人當得身穿爲竅醜腐塞縮身皆破裂裸形黑瘦皮膚龐滯由如餓鬼妙吉祥重白佛言我知如來智慧無量不可思議世尊彼如是等愚迷衆生得生何處妙吉祥言唯願說之佛言妙吉祥止汝不應問我若說彼愚迷衆生謗法

相二

二

君

之者所生之處天上人間若聞是說皆悉恐怖皆悉悶絕宛轉躋地妙吉祥言唯願世尊大慈大悲廣演分別彼諸衆生若聞是說於此不生不滅微妙正法不起慢心佛告妙吉祥於此地下有諸地獄名號不同所謂炎熱地獄極炎熱地獄黑繩地獄熾然地獄極熾然地獄極惡地獄鉗口地獄鐵丸地獄鐵棒地獄崩埋地獄懸頭地獄倒懸地獄猴面地獄恒熾地獄膿血地獄常臭地獄拖撲地獄常殺地獄生極大疼痛地獄佛告妙吉祥彼如是等地獄即彼謗法衆生所生之處是時普賢菩薩摩訶薩白佛言世尊彼持經

法師命終之後生何國土復次普賢菩薩若有善男子善女人及諸法師持此經者於此命終即得往生寶莊嚴世界世尊彼世界中有佛刹不可思議樂大辯說如來復有無數諸菩薩衆身色巍巍殊持妙好善男子是諸衆生臨命終時彼世界中有六十二俱胝佛同時現前善男子我今略說若廣說者功德無量無數經百千劫不能窮盡普賢菩薩重白佛言世尊云何於未來世時若諸衆生聞此正法不生誹謗佛告普賢菩薩若四輩弟子得聞是經言非正法作如是說是邪說非如來說應自說故非眞經典或言我先已聞相二

三

此非正法作是輕慢誹謗之者永不聞法遠離三寶名字彼如是等愚癡衆生命終之後當墮黑暗地獄其獄之中有大鐵輪刃如鋒錐常拂其頭拂已還生如是經無量百千劫常從此獄出設得人身復經無量百千萬劫常無兩目是時復經過百千劫不復人身縱生

人中於一切處亦復生盲又無舌根頭面顛倒脊脊樞樞脚癱狗聲常困飢渴羸瘦憔悴面色乾枯口氣常臭人皆惡賤一切衆生見者生瞋人皆棄捨是時彼一切衆會異口同音作是唱言如來今者爲我等故已說是法如是正法我等已聞使說世尊快說善逝我等於未來世見有受持是經典者不生誹謗輕慢之心我等愚迷由如稚子不覺不知無有智慧世尊佛說是時彼大聲聞及天帝釋大梵天王護世諸天比丘比丘尼優婆塞優婆夷各作是言世尊我等聞說謗此法者有如是罪身皆悚慄恐怖無量佛言如是如是如汝所說非但汝等吾今已得一切聖智上由恐怖況復汝等我諸弟子時諸善男子於彼法師深生敬仰不能自勝若諸天龍藥叉乾達縛等人及非人無能破壞善男子若沙門婆羅門見此法王如佛塔廟此經亦尔天人間如敬寶篋是時妙吉祥童子重白佛

言世尊若諸四輩弟子於此經王深信受持者得幾所福佛告妙吉祥若人於此妙法及彼法師受持之者乃至名字或於一日一彈指頃發起慈心我悉知之或時發心飲食供給或施園林淨地用作僧房種種供養是時尊者舍利弗白世尊言如是等人於五無間罪爲滅爲不滅佛告長老舍利弗止勿作是說所以者何若諸衆生受持正法者即得消除五無間業

佛言舍利弗五無間者爲聞此經威德力故此五無間業速疾消除還復人身數數得生佛法之中^四永不復墮於三惡趣故是時尊者^{相三}舍利弗悲泣雨淚白佛言世尊如向所說謗此經者乃有如是廣大業報昔所未見如是罪報乃至夢中亦未曾見是時世尊告長老舍利弗言止舍利弗勿作是念復次舍利弗我說此無礙妙法數告汝等舍利弗彼衆生以自業力作種種罪自作自受非彼他人

各各衆生自業力故受是痛苦非如來過舍利弗我常說言是諸衆生汝等訪諸善友樂求安樂離諸怖畏樂求涅槃樂甘露味我常開示菩提正路是時復說彼諸衆生恣縱貪瞋自作身業口業意業心生邪見不自正知造作衆罪各各邪視於身分別造衆惡業因墮地獄受種種苦衆生自過非如來各復次舍利弗我常如是興於大悲爲諸衆生乃至一衆生盡於一劫我皆代受地獄之苦終不棄捨一衆生故舍利弗如來大悲恒常如是譬如天上人間父母唯生一子端嚴殊特色妙無比福相圓滿彼於一日忽然命終時彼父母爲此子故心生懊惱情地憚惶悲號痛切苦惱如是舍利弗如來應正等覺亦復如是悲愍衆生如見一子如來煩惱終不能著悉已遠離何以故舍利弗譬如大海不宿死屍舍利弗如來亦尔煩惱不著又謂舍利弗身如幻夢亦如影響四大合成假名爲人^五^四相三

中無有實見諸行相非行非住非處非無處無滯無礙自他不著舍利弗如來亦復如是觀諸行相化導群生不貪說行雖作一切種種行相不可指不可示等虛空界離諸疑惑無有戲論如來亦余無有疑惑離於戲論是時衆生一向迷惑無有迴轉如來大悲而能隨順如有衆生欲來佛亦隨來去亦隨去何以故是諸如來本願力故復次舍利弗如來應正等覺無有錯謬如來無有無明如來智慧亦無迷惑舍利弗吾今於天上人間最尊最貴最上第一不可稱量無有等等舍利弗是不誑語者不異語者佛言若有衆生在家出家於此正法而生誹謗者如前所說一切惡相種種地獄衆苦所受是時尊者須菩提合掌恭敬白佛言世尊此法微妙甚難得聞世尊彼諸衆生於此正法而生誹謗者當得何報佛告須菩提謗斯法者得生大舌縱廣百千由旬上有五百俱胝鐵犁長時耕舌復

從口出極熱猛火燄焰上騰炎熾輝赫合成一聚經百千劫受大極苦云何而得須菩提如是業報彼愚癡衆生皆因口業所作須菩提彼愚癡衆生謗此法者受如是報是時一切衆會以佛威力同作是言如來說此極大惡報甚爲希有是時帝釋天主白佛言世尊我當於彼比丘持經法師於未來世常生尊重以諸華香飲食衣藥塗香末香種種供養晝夜三時恭敬禮拜尊重讚歎志心護持世尊是善男子已生如來法身中與諸如來同一名号何以故如灌頂刹帝利王所生之子端嚴巍巍具足王相見者歡喜彼諸人民皆悉尊重拜跪問訊見彼法師亦應如是禮拜尊重尔時世尊告普賢菩薩摩訶薩言善男子此帝釋天主善能說之爲彼比丘持經法師憐愍饒益潛加護持普賢菩薩言世尊我亦如是於未來世彼善男子善女人亦復護持憐愍饒益息諸災患令得安樂周徧百由

自外不令燒惱尔時世尊讚普賢菩薩摩訶薩言善哉善哉善男子汝今善說爾時世尊以梵音聲重說偈言

令他安樂心悲愍。悉能隨順諸衆生。
三業清淨善稱揚。無等功德具寶寶。
是時普賢菩薩摩訶薩白佛言。世尊。菩薩摩

訶薩云何當得此寶光揔持法故佛言善男子菩薩摩訶薩於寶光揔持當行一法云何爲一法謂於一切衆生不起煞意令得安樂普賢善薩復有二法云何爲二謂離於瞋恚善言誘喻普賢菩薩此爲二法若能如是即得寶光揔持法故復次普賢菩薩摩訶薩爲一切衆生意根不亂無時暫捨是時復告善男子菩薩摩訶薩爲諸衆生皆離一切憎愛故是時菩薩說此寶光揔持功德時復以稱揚讚歎此最勝功德于時天上人間有無量無數衆生皆得此法復出寶光揔持最勝功德稱讚法師

爾時尊者阿難從座而起偏袒右肩右膝著地合掌恭敬住立佛前白佛言世尊此寶光總持微妙正法如是深邃佛告阿難如是如是此色相甚深受想行識甚深如空甚深如虛空甚深阿難白言我於如來前得聞八萬四千法藏未曾得聞如是妙法佛告阿難此
相三

寶光正法難遇難聞阿難言佛說如是微妙正法於未來世後五百歲中法欲滅時有諸衆生欲作佛事當依何法佛告阿難依我釋迦牟尼如來說此正法及彼法師若有書寫受持供養恭敬此正法者眼常無病鼻亦無病舌亦無病齒亦無病手亦無病腳亦無病頭亦無病耳亦無病諸根具足身不臭穢亦無中夭壽命延長彼一切諸天人及非人常時衛護時彼法師於此命終復得生於善逝世界天中而生離諸喧雜一切戲論阿難白言世尊是何因緣說此正法魔王毒害不能障蔽佛告阿難一切魔王於此正法終不能

作障難之者。尔時世尊作是語已時彼魔王生毒害心作是念言。若有說此寶光總持法。時我當往彼作其障難。是時魔王以自業力。自見猛火來燒其身恐怖無量退散而走阿難。此法如是深妙難測不可思議。若此正法隨所住處如佛塔廟阿難白言。若如來在彼正法住處我於是處得見如來往到佛所先禮如來後禮此法爲有何過佛告阿難汝有過失何以故汝既如是輕慢正法云何我得天上人間最尊最貴最上第一復次阿難我於過去先聞此法後證菩提阿難白言世尊於何如來恭敬供養復於何處聞彼如來說此寶光三摩地法佛告阿難我非於天上人間乾達縛處恭敬供養求此法故我於往昔爲菩薩時有佛世尊号不空積聚開妙衆寶光明藏如來前得聞此法佛告阿難彼如來即不與我授記我從是來過百千俱胝那庾多劫難行苦行為聞此法阿難是故汝應先

禮此法後禮如來是時一切梵王帝釋護世諸天以一音聲同作是言歎此法故是無上法是最勝法是無等等法神變如是若有聞此微妙正法乃至名字應隨向禮何以故若有受持讀誦爲他解說者如見如來等無有異尔時世尊讚彼梵王帝釋護世諸天言善哉善哉聖衆善說。尔時世尊從口而出廣長舌相徧照三千大千世界已告普賢菩薩摩訶薩言善男子汝今諦聽我今請汝爲諸衆生說此法故云何衆生於此寶聚不自守護展轉息利如生盲人不見日光又如賈賈無有方便不自化易亦如貧人不自精勤常奉他顏見諸衆生不聞此法亦復如是爲諸衆生譬喻言說於是普賢菩薩摩訶薩從座而起偏袒右肩右膝著地合掌恭敬住立佛前即時普賢菩薩摩訶薩從自法座安詳起已即時三千大千世界諸天宮殿六種震動所謂動徧動等徧動震徧震等徧震擊徧擊等

徧擊吼徧吼等徧吼湧徧涌等徧涌起徧起
等徧起大光晃耀一切世間於是普賢菩薩
摩訶薩白言世尊云何問我世尊云何問我
善逝世尊是具足一切智者何不爲諸衆生
大悲憐愍我名如來之子云何我有如來智
云何我有如來力我於是時常依佛言依如
來言我常依止由如甘露不敢違背恒時隨
順於時世尊讚普賢菩薩摩訶薩言善哉善
哉佛子汝即如來長子最勝最上我爲衆生
說此正法善男子汝當依我如法護持恒常
尊敬由如寶篋盛以珍玩勿生捨離未來世
時有破戒比丘不生敬信善男子彼不依此

持三

九

卷一

世彼出家者修何行業
尔時世尊告普賢菩薩摩訶薩言佛子彼出
家者於此正法多生輕慢樂求舍宅貪著利
養畜積財寶精舍房堂衣服卧具飲食醫藥
造惡業因自破自壞爲是愚迷衆生我說是
經廣今流布久住不滅度脫衆生是時十方
一切天龍藥叉乾達縛等來白佛言世尊我
等天人八部并諸眷屬盡生恒時守護是經
并彼法師一切比丘及諸法藏不令燒惱我
常隨侍尊重恭敬香華衣服種種珍寶一切
所須我皆供給令法久住爾時世尊爲普賢
等九十二俱胝菩薩而說偈言

普賢菩薩言世尊於意云何彼出家者有何
行故佛言善男子止勿應問此普賢菩薩言
世尊唯願說之唯願說之若不說者云何而
能爲諸衆生佛言普賢菩薩汝今諦聽我說
此法由如衆海文殊師利觀世音無量無數
無有邊際菩薩摩訶薩等一心諦聽於未來

恒時知彼仁王行 得見文殊真境界
 盡彼十方微塵刹 沢觀如來真色相
 十方無數此佛刹 佛子悉皆名吉祥
 一切十方微塵刹 爲彼世間得值遇
 一佛子善能徧遊歷 佛子善能徧遊歷
 文殊師利無邊智 佛子功德云何得
 問大衆生賢吉祥 是時實際廣功德
 是時實際廣功德 無邊衆生能解了
 問大衆生賢吉祥 文殊功德妙菩提
 佛子若說此法已 得解清淨佛功德
 復次佛子應云何 當得如是功德行
 佛子諦聽賢吉祥 無邊最勝彼功德
 我今略說於少分 如添大海一滴水
 乃至得證佛菩提 若有衆生初發心
 無邊功德莫能測 一一功德盡讚揚
 波羅蜜多功德地 如有經行於多劫
 不能說盡彼功德 如是十方一切佛
 彼於是時說少分 出生無邊勝功德
 如鳥飛空不可量 大地一塵無能比

非無因故從何生 發信一念生佛法
 善提功德隨心意 修習此法證菩提
 彼非愛樂王福樂 除滅世間諸苦惱
 非自求安非名利 為衆心故生世間
 修習此法證菩提 徒意恒爲諸衆生
 彼常恭敬求解脫 清淨佛刹興供養
 一切諸法功德同 徒意恒爲諸衆生
 發心歸向於佛法 徒意恒爲諸衆生
 無邊菩提發是時 生大丈夫猛利意
 發心力如人中主 廣興供養不思議
 衆法無壞莫能量 生心供養應如是
 發心能免胞胎苦 養育劬勞一切行
 隨樂快樂悉從心 是故見於安樂處
 發起無邊恭敬心 我人憍慢皆棄捨
 發心即妙珍伏藏 如手攝持獲安樂
 發心能爲歡喜捨 發心踊躍作佛事
 發心求勝功德林 得佛所說皆往詣

勇猛利根光明照
種種煩惱頓皆除
發心和合不和合
發心能越魔王界
功德種子不朽因
最上勝智皆增長
彼說過去行大行
此法世間甚難遇
若常發心恭敬佛
離諸過患衆慤尤
持戒見獲菩提心
能依戒法善修習
若常發心恭敬佛
於佛廣大供養已
若常發心供養法
若於佛法心無厭
若常發心恭敬僧
如是發心僧不退
發心堅固無能壞
一剎那中悉皆離
見彼最勝妙解脫
發心種大菩提樹
發心見諸一切佛
由如大海衆寶王
復能稱讚彼功德
方便修學功德地
彼常依佛所教勑
彼佛廣大興供養
復能殷重不思議
聞彼佛法心無厭
不思議法妙解脫
彼於僧中心不退

若得發心不退力 彼以根利現光明
若得根利現光明 彼常遠離惡知識
若已遠離惡知識 應當求法訪善友
若法善友尋求已 彼獲廣大妙安樂
若獲廣大妙安樂 因力自大皆棄捨
若已棄捨我慢因 即得廣大勝解脫
如是廣大解脫已 即得諸佛常照察
若以諸佛常照察 彼即生大菩提心
若得生大菩提心 即獲解脫大功德
若得解脫大功德 即得生於如來家
既得生於如來家 即得解脫妙相應
若常解脫妙相應 彼發心意皆清淨

大方廣總持寶光明經卷第三

相二

大方廣總持寶光明經卷第三

相二

猫狸踐上莫交反中力之反燒惱上音遶又二獸名下音賤蹈也燒惱乃鳥反

誣謗上音無攀躋下力貞反手足病也攀躋也疑惑上必亦反脚跛曲也疑惑孔反

竊苦弔反

皮膚下音躰地反赤皮膚夫反

體也

大方廣總持寶光明經卷第三

卷第三

相
二

撲上土何反疚痛上徒鋒鎚峯亡二僵僵紓上
主反下癮力貞反顛顛上自搖反稚子上直
召主反下息勇反下良吉
幻悚慄上息勇反下良吉
溯頻錯謬下苗幼反聾高也輝赫下許客
火熖也盛問訊信下音中夭反士也障蔽下必
賈古音商劬勞勤也也罪過也

大方廣懃持寶光明經卷第四

相四

若得發心淨覺意 彼說最上最殊勝
若得最上殊勝已 常行波羅蜜多行
若得波羅蜜多行 則能隨順此大乘
若能隨順此大乘 則能隨順供養佛

若得隨順供養佛
則得智慧志堅固
若能智慧志堅固
常見彼佛不思議
若常見佛不思議
見佛無去無有住
若得見佛無去住
此法住世恒不滅
若見此法恒不滅
遠離積集諸煩惱
若得遠離煩惱因
則能說法無邊際

若得說法無邊際
若爲慈心住世間
若得大悲堅牢本
若得喜樂法根本
若捨造作衆罪已
若得無我離衆非
若常自利及利他
若離輪迴諸苦惱
若得大力最殊勝
若生清淨智慧已
若能入此修行網
若得成熟於世間
若得世間妙智慧
若能隨順於四攝
若於世間廣施設
若得方便智慧力
若住勇猛無上道
若得不見魔軍衆
則是大悲堅牢本
即是爲他法喜樂
彼捨造作種種罪
無我無人離衆非
彼常自利及利他
永免輪迴諸苦惱
彼得大力最爲勝
則得出生清淨智
彼入世間修行網
成熟世間甚希有
積集世間妙智慧
則能隨順於四攝
則於世間廣施設
則住方便智慧力
則住勇猛無上道
永不見彼魔軍衆
則能遠離四魔道